



საპროკურორო საბჭო Prosecutorial Council

№

20

განკარგულება №2

13 ივნისი 2025 წელი

თბილისი

გენერალური პროკურორობის კანდიდატის წარმოსადგენად საჭირო კანდიდატის წერილობითი თანხმობის ფორმისა და საპროკურორო საბჭოსათვის წარმოსადგენი დოკუმენტების ნუსხის დამტკიცების შესახებ

„პროკურატურის შესახებ“ საქართველოს ორგანული კანონის მე-16 მუხლის მე-4-მე-6 პუნქტების, საპროკურორო საბჭოს დებულების მე-3 მუხლის მე-6 პუნქტის „ა“ ქვეპუნქტის და მე-4 მუხლის პირველი და მე-2-მე-4 პუნქტების საფუძველზე, საპროკურორო საბჭო ადგენს:

გენერალური პროკურორობის კანდიდატის წარმოდგენისას, საპროკურორო საბჭოს წევრის მიერ წარმოდგენილი უნდა იქნას ამ განკარგულების №1 დანართით გათვალისწინებული დოკუმენტაცია.

4. საპროკურორო საბჭო უფლებამოსილია დაუკავშირდეს გენერალური პროკურორობის კანდიდატს, მათ ყოფილ და ამჟამინდელ დამსაქმებლებსა და კოლეგებს, შესაბამისი სასწავლებლების ადმინისტრაციასა და აკადემიურ პერსონალს, აგრეთვე, იმ დაწესებულებებს, სადაც შესაძლებელია ინახებოდეს ინფორმაცია კანდიდატის ნასამართლობის, მის მიმართ სისხლისსამართლებრივი დევნის დაწყების ან/და შეწყვეტის, დისკრედიტის გამოყენებისა და განრიდების შესახებ, სისხლის სამართლის საქმეზე დაზარალებულის ან მოწმის სტატუსით მონაწილეობის, ადმინისტრაციულ და სამოქალაქო დავებში მონაწილეობის, დისციპლინური პასუხისმგებლობის დაკისრების, ადმინისტრაციული სამართალდარღვევის ჩადენის, სამეწარმეო ანდა მოვალეთა რეესტრებში რეგისტრაციის შესახებ. ასევე, საბჭო უფლებამოსილია გამოითხოვოს ინფორმაცია კანდიდატის ფინანსური მდგომარეობის შესახებ იმ სამეწარმეო სუბიექტისგან, რომელიც საქმიანობს საკრედიტო ინფორმაციის სფეროში. აგრეთვე, საპროკურორო საბჭო უფლებამოსილია დაუკავშირდეს ყველა იმ პირს, ვისგანაც შესაძლებელია ინფორმაციის მიღება კანდიდატის კვალიფიკაციის, პიროვნული და პროფესიული უნარ-ჩვევების შესახებ. საპროკურორო საბჭოს უფლება აქვს გადაამოწმოს კანდიდატის შესახებ

წარმოდგენილი ინფორმაციის და დოკუმენტაციის სიზუსტე და სისრულე. საჭიროების შემთხვევაში, გამოითხოვოს შესაბამისი დოკუმენტაცია/ინფორმაცია.

5. აღნიშნული განკარგულების მე-4 პუნქტით გათვალისწინებული უფლებამოსილების ორგანიზაციულ-ტექნიკური უზრუნველყოფა განახორციელოს საპროკურორო საბჭოს სამდივნომ.

6. ეს განკარგულება ძალაშია მიღებისთანავე.

საპროკურორო საბჭოს თავმჯდომარე

ნ. ბი



ლონდა ბიჭიკაშვილი

საპროკურორო საბჭოს თავმჯდომარეს,
ქალბატონ ლონდა ბიჭიკაშვილს

სახელი, გვარი -----

პირადი № -----

მისამართი რეგისტრაციის მიხედვით:

ფაქტობრივი საცხოვრებელი ადგილი:

ტელეფონის ნომერი, ელ. ფოსტა -----

წერილობითი თანხმობა

თანხმობას ვაცხადებ, საქართველოს პროკურატურის საპროკურორო საბჭოს მიერ
განხილულ იქნას -----

მიერ წარმოდგენილი ჩემი კანდიდატურა საქართველოს გენერალური პროკურორის
თანამდებობაზე შესარჩევად.

თანახმა ვარ, „პროკურატურის შესახებ“ საქართველოს ორგანული კანონის მე-16
მუხლის პირველი პუნქტით განსაზღვრულ მოთხოვნებთან შესაბამისობის
დასადგენად, ჩემს შესახებ ინფორმაციის მოძიებისას, საპროკურორო საბჭოს წევრები
ან/და საბჭოს მიერ საამისო უფლებამოსილებით აღჭურვილი პირები (სამდივნოს

წარმომადგენლები) დაუკავშირდნენ ყოფილ და ამჟამინდელ დამსაქმებლებსა და კოლეგებს, შესაბამისი სასწავლებლების ადმინისტრაციასა და აკადემიურ პერსონალს, აგრეთვე, იმ დაწესებულებებს, სადაც შესაძლებელია ინახებოდეს ინფორმაცია ჩემი ნასამართლობის, ჩემს მიმართ სისხლისსამართლებრივი დევნის დაწყების ან/და შეწყვეტის, დისკრედიტის გამოყენებისა და განრიდების შესახებ, სისხლის სამართლის საქმეზე დაზარალებულის ან მოწმის სტატუსით მონაწილეობის, ადმინისტრაციულ და სამოქალაქო დავებში მონაწილეობის, დისციპლინური პასუხისმგებლობის დაკისრების, ადმინისტრაციული სამართალდარღვევის ჩადენის, სამეწარმეო ანდა მოვალეთა რეესტრებში რეგისტრაციის შესახებ. ასევე, გამოითხოვონ ჩემი ფინანსური მდგომარეობის შესახებ ინფორმაცია იმ სამეწარმეო სუბიექტისაგან, რომელიც საქმიანობს საკრედიტო ინფორმაციის სფეროში. აგრეთვე, დაუკავშირდნენ ყველა იმ პირს, ვისგანაც შესაძლებელია ინფორმაციის მიღება ჩემი კვალიფიკაციის, პიროვნული და პროფესიული უნარ-ჩვევების შესახებ. ამასთან, გადაამოწმონ ჩემი კანდიდატურის შესახებ წარმოდგენილი ინფორმაციისა და დოკუმენტაციის სიზუსტე და სისრულე, საჭიროების შემთხვევაში, გამოითხოვონ შესაბამისი ინფორმაცია/დოკუმენტაცია.

თანახმა ვარ, ჩემი კანდიდატურის განხილვასთან დაკავშირებული პერსონალური მონაცემების (მათ შორის, განსაკუთრებული კატეგორიის მონაცემების) დამუშავება/გასაჯაროებაზე.

პატივისცემით,

სახელი და გვარი

ხელმოწერა

თარიღი ----- 2025 წელი

საპროკურორო საბჭოსათვის წარმოსადგენი დოკუმენტების ჩამონათვალი

1. გენერალური პროკურორობის კანდიდატობის მსურველის წერილობითი თანხმობა (თანდართული ნიმუშის სახით);
2. Curriculum Vitae (CV);
3. ფოტო (3x4 ფორმატის) ბეჭდური ან ელექტრონული სახით;
4. საქართველოს მოქალაქის პირადობის მოწმობის ან პასპორტის ასლი;
5. უმაღლესი იურიდიული განათლების დამადასტურებელი დიპლომის ასლი;
6. დიპლომის დანართის (ნიშნების ფურცლის) ასლი;
7. ცნობა შრომითი საქმიანობის შესახებ, ნამსახურობის ნუსხა ან შრომის წიგნაკის ასლი (ასეთის არსებობის შემთხვევაში), რომელიც დაადასტურებს: სისხლის სამართლის საქმეების განმხილველ მოსამართლედ ან პროკურორად ან სისხლის სამართლის საქმეებზე ადვოკატად მუშაობის არანაკლებ 5 წლის გამოცდილებას ან იურისტის პროფესიით მუშაობის არანაკლებ 10 წლის გამოცდილებას;
8. ცნობა ნასამართლობის შესახებ (რომელიც, ასევე, უნდა მოიცავდეს ინფორმაციას გაქარწყლებული ან მოხსნილი ნასამართლობის შესახებ);
9. ინფორმაცია მის მიმართ სისხლისსამართლებრივი დევნის დაწყების, დაწყებაზე უარის თქმის ან/და შეწყვეტის შესახებ;
10. ცნობა ადმინისტრაციული სახდელის დადების შესახებ;
11. ცნობა მოვალეთა რეესტრში რეგისტრაციის შესახებ;
12. ინფორმაცია სამეწარმეო რეესტრში რეგისტრაციის შესახებ;
13. სამეცნიერო/აკადემიური ხარისხის ქონის შემთხვევაში, აღნიშნულის დამადასტურებელი დიპლომი ან/და ცნობა;
14. ცნობა ჯანმრთელობის მდგომარეობის შესახებ (ფორმა № IV - 100/ა);
15. ცნობა ნარკოლოგიური შემოწმებისა და აღრიცხვაზე არყოფნის შესახებ;
16. ნებისმიერი სხვა დოკუმენტი, რომელიც დამატებით ადასტურებს ზნეობისა და პროფესიული თვისებების გამო კანდიდატის მაღალ ავტორიტეტს, „პროკურორატურის შესახებ“ საქართველოს ორგანული კანონის მე-16 მუხლის პირველი პუნქტის შესაბამისად.